

Ang Pangamuyo para sa
America
(Ilonggo Version)

R. B. Thieme, Jr.

Ang Pangamuyo para sa America

Langitnong Amay, nagapalapit kami sa Imo pinaagi sa pagpaubus agud mangamuyo para sa pagpalingkawas sang United States sang America. Ang amon tinugyanan nga pungsod ara sa katalagman, ang kamaayo nagmangin kahuluy-an, ang espirituhanong pagtoo kag ang kaabunansya nag-us-us sa kaugalingong pagkakontento kag pagkawalay kabalaka kag ang terorismo ara sa amon mga ganhaan. Nagapatiyogtiyog kami panaog sa pagkaus-us. Napiyerde kami Amay, indi sang kaaway, kondi sa Imo.

Nakilala namon nga kon ang mga tumuluo mapaslawan, ang tinugyanang pungsod nagakapaslawan kag masilotan. Mada-mong tumuluo ni Jesu-Kristo sa sini nga pungsod ang nalibog nahanungud sa espirituhanong kinabuhi. Ila ginbale-wala ang Imo dimagkasayup nga Pulong kag wala nagsunud sa bandera pakadto sa kadalag-an sang espirituhanong pagkahamtong. Apang ginakilala man namon, Amay, nga ang amon pungsod may higa-yon gihapon nga makabawi, kon ang mga tumuluo magbugtaw kag magsugod sa pagtuman sang mismong katuyoan sa diin sila mga buhi gihapon. Nagapangamuyo kami nga kuntani magpanumbalik sila, ton-an ang Kamatuuran, kag magpadayon. Kuntani mabatian nila ang pagtawag sang trumpeta nga maglina kag mag-abante pakadto sa kadaugan sa espirituhanong kinabuhi.

Langitnong Amay, nagapalapit kami sa Imo sa pagkilala nga ara sa Imo ang tanang mga sabat. Ikaw lamang ang makasangkap sang mga kasulbaran nga magbaylo sang panghitabo sang kasaysayan. Ara kami sa Imo mga kamut. Puwede Mo kami mapalingkawas sa bisan anong tinion. Gani kabay pa nga may pagbalik dira sa Imo kag sang pagbag-o sang pangamuyo sa amon pungsod. Kag kon indi man lang gani kami kahibalo kon paano magpangamuyo para sa amon mga kaugalingon, nakahibalo kami nga ang Dios Balaan Espiritu nagapatunga para sa amon nga may "mga pag-ugayong nga indi masambit," kag ang amon Ginoong Jesu-Kristo, ang amon Madungganong Punong Pari, nagapatunga para sa amon sa Imo trono.

Mapasalamaton kami Langitnong Amay tungud sang oportunidad nga matilawan. Wala kami sing kahadlok kon ara kami sa sulud sa plano sang Dios. Nahibal-an namon nga makalampuwang kami sa sini nga mga kalisdanan nga may kaisog, matuud nga paghidait, kag kalinong nga nagaabot halin sa doktrina sang Bibliya nga nagasirkular sa amon mga kalag. Nakahibalo kami nga Ikaw nagapahimo sang tanang mga butang nga nagapanghikot sing tingub para sa ikaayo sa yadtong nagahigugma sa Imo kag ginpili suno sa Imo napat-ud na nga plano.

Mapasalamaton kami, Amay, tungud sang oportunidad subong mga tumuluo nga magpatunga kag magpangabay para sa amon pungsod, agud mangin dimakit-an nga mga bagani kag

mangin makusog nga impluwensya sa kasaysayan sa tinion sa diin kami nagakinabuhi. Nagapasalamat kami sa Imo nga si Jesu-Kristo nagakontrol sang kasaysayan, kag sa sina natalupangdan gid Niya ang pag-abante sang tumuluo pakadto sa kadalag-an. Salamat sa padayon nga paghatag sa amon sang ginakinahanglan nga tinion agud masilsil ang mga doktrina halin sa Balaan nga Kasulatan sa sulud sang amon mga kalag agud nga matuman namon ang amon mga responsibilidad sa tinugyanang pungsod. Kabay pa nga mahinumduman namon, nga ari kami diri sa paghimaya sa Imo.

Nagapangamuyo kami para sa amon Presidente kag sa amon mga pungsudnong mga lider. Kabay pa nga makaangkon sila sang kaisog kag kinaalam sa paghimo sang mga desisyon nga mga madungganon kag naangay sa Imo plano sa sini nga pungsod. Kabay pa nga kalmado kag ekspieryong maplano kag mapatuman nila ang kalaglagaan sang amon mga kaaway. Nagapangamuyo kami para sa yadtong ara sa militar. Kabay pa nga indi sila magmatalaw, mahadlok, ukon matublag. Kabay pa nga ang kada isa makahibalo nga sa inaway, ang pagpatay sang kaaway indi pagkawalay moral ukon makapasala. Nahinumduman namon yadtong ang mga ngalan ara sa pahayagan sang amon simbahan, ang mga lalaki kag mga babayi nga mga nakaunipormi nga nagatuman sang palatukuran sang kahilwayan pinaagi sa kadaugan sang militar. Kag nagapangamuyo kami para sa Batalyon sang Berachah sa sining importante kaayo nga mga tion sang amon kasaysayan. Proteksiyoni ang tagsa ka miyembro sa katalagman samtang nagaatubang sila sa amon mga kaaway.

Langitnong Amay, nahatagan kami sang pinasahi nga espirituhanong kinabuhi kag sang basihanan para sa pagpabalik sang makusog nga manugsakdag. Nagapangamuyo kami sa nabag-o nga gahum sang espirituhanong kinabuhi sa sining United States nga magahimo sang iya parte sa kapiyerdihan sang amon kaaway, kag ang dako nga pakamaayo mapabalik sa sini nga duta. Ang amon mga kaaway nagatawag sa amon nga satanason, apang kabay pa nga maton-an nila nga tawgon kami nga Kristohanon subong nga makita nila ang mismong Gahum sang Langit! Amay, nagapangamuyo kami sa sini nga tinion nahanungud sang pungsudnong krisis para sa pagpauswag liwat subong sang wala namon makit-an sadto anay sa amon kasaysayan. Ginapangayo namon ini sa ngalan sang Hari sang mga hari kag Ginoo sang mga ginoo, sa kay Jesu-Kristo nga amon Manluluwas. Amen.

Kag ang Akon katawhan nga ginatawag paagi sa Akon ngalan magpaubos sang ila mga kaugalingon kag magpangamuyo, kag magdangop sa Akon presensya kag magbiya sa ila malaut nga mga pagginawi, niyan magapamati Ako sa langit, magpatawad sang ila sala, kag magaayo sang ila duta. (2 Mga Cronica 7:14)

With permission of R. B. Thieme, Jr., Bible Ministries,
this publication is distributed in the Philippines
by Grace Logos Support Philippines, Inc.,
without charge or obligation.

For more information text or call:
*(Ginhatag pinaagi sa GLSP nga wala sing bayad ukon obligasyon.
Para sa dugang pa nga kasayuran mag-text ukon magtawag sa:)*
email: jersal1978@yahoo.com (Visayan)
Smart: 0920-218-3668 (Visayan)
email: naconasg@yahoo.com (Ilonggo)
Smart: 0970-034-3191 (Ilonggo)

The electronic version of this book can be read or downloaded
through the Internet address <https://www.gracelisp.ph>.
*(Ang sa electronic nga porma sang sini nga libro mahimong mabasa ukon ma-download
pinaagi sa internet address nga <https://www.gracelisp.ph>.)*



R. B. THIEME, JR., BIBLE MINISTRIES

P. O. BOX 460829
HOUSTON, TEXAS 77056-8829
(713) 621-3740
www.rbthieme.org

@ 2008 ni R. B. Thieme, Jr. Ang Tanang Katungud Ginreserba

Ang Balaan nga Kasulatan ginbadbad halin sa orihinal nga teksto sang
A Prayer for America

Ginbadbad kag gin-andam sa pagpaimprenta ni Gloria Estanda Naconas.
Ginrepaso nila Alma Avila Cachopero kag Dante Mallorca Canja.
Gin-imprenta nga may pagtugot sang R. B. Thieme, Jr., Bible Ministries, 2025.